

The Makuilongdi Express

Liangmai Daily Newspaper

“Mazibo niu ngamne”



Ndanai chun aliu khulam ngoujiu ndegulo chiujiu phone ga viral tadbambo hai India niu Nuclear capable Agni-V Intercontinental Ballistic Missile (ICBM) kms 5500 kumbo tadsuibo test thiujii tathui lubo guwe.

Luan 17th gu Komla (Orange) ngee Chakehiu zengtung 17th-19th 2022 ga Tamenglong district headquarter ga tadkiu rabo ga chalui thiubo band ‘HIGH VOLT’ haidi Tamenglong ga wangjiu perform thiukhai sune chiujiu dinne.

Zengtung 16 Chakehiu 2022 Masannai Chiang PO Tamei ,Tml. Dist. Manipur Vol.01. Issue 44 page 1

Delosai Tingwangniu katanuakbo tu luni makge, chiudi chunchambo nai agi-manaibo situ masen bowe. I Corinthmai 14:33.

Rangkang crores 105 hai Senapati district gu didu-thengsu boleng taliura kaipad mide. N Biren Singh



Cha. 15: Manipur gu Chief Minister N Biren Singh niu n-danai Sanyi Dahrii Sports Complex, Khabung Karong Senapati district Barak Festival 2022 gu kaloibo ngamkamga tacham dinjiu Senapati district Nagaland namrai haiga n-pui kapha khatdi tam-tambo ngamkam ga thengsu-disubo ngamkam leng jengniu rangkang crores 105 hai kaipad mide chiujiu dinne

.District Olympic Games padon thiujii tadkiu lanra jengniu Senapati Mini Stadium taliu loira lengjeng niu di rangkang crores 5.5 haidi pikhaira ladchap khai mide chiujiu tacham ga dinne.Sironna makjiu tam-tambo disu- thengsu khangra taliu khaira dinkhaibo rongga district ga gym nai football ground taliu khaira di dinsan khai mide.

SAYO niu Maos maidung tu Southern Angami wanzeng gasu tadmira din mide, sigasu pijiu ngutkhai tamide.



Cha. 15: Nagaland ga bambo Souther Angami Youth Organisation (SAYO) niu Mao mai Angami wanzeng ga lungbam maitu mazatjiu tadmira dinjiu bam mide sigasu Southern Angami wanzeng ga Mao mai dungtu tadkhai sui lakge chiujiu khamjiu bam mide.Haibo ngamkam tadkiubo hai Mao Council nai Manipur government

niu charam ahi ngutbo jengniu we chiujiu tacham ga dinne.SAYO gu tacham ga dinjiu zengtung kariu chakui lungga tadmira dinkhai mide sigasu SAYO gu volunteers maidung niu sibo pikhai bambo lungga Mao mai Southern Angami gu wanzeng lungga bamkha ma chiubo phui (Check) raye chiujiu din mide.

Makimai ST demand kambohai mathak makjiu tanjiu tadngut sanjiu bamme.



Cha. 15: Makimai Scheduled Tribe Demand Committee of Manipur (STDCM) dungniu n-danai MLA Kongkham Robindro kiga tadlujiu Meeteis/ Meiteis tu India gu constitution ga scheduled tribe gu category ga khailo chiujiu memorandum pikhai mide. MLA Kongkham Robindro niudi makimainiu ST khengjiu bambo hai mazibowe siniu MLA katam maidungdi situ machong khailo chiujiu dinsan khai mide.Paniu di STDCM’s mai khuga dinjiu paniudi kangam katang makimai tu ST ga zoura nkha contd. in p.2

Tamenglong Orange Festival ga orange competition ga zourabo list kam masan ngam lakjiu bamkha ye.



Cha.15: Thaimien Tamenglong ga zengtung 17th-19th katang tadkiu rabo orange festival ga komla chiu kawibo aliat boga zoura chiujiu form khoilu mibo khatdi piwang lanbo list hai kam masan pad ngam lakjiu bamkhaye chiujiu tacham ga dinne.Palamra form hai masanjiu screening kam bambo we chiubo ra form khi mai dunghai palingjiu komla lu kathiu maimah chiubo phui masan bambo we chiujiu dinne. Competition ga zoura chiuju form piwangbo dunghai chamai 210 dowe chiujiu dinne. Tamei block gasu chamai 10, Haochong block gasu chamai 18, Longmai/Noney block gasu chamai 7, Khoupum gasu chamai 5, Tousem block gasu chamai 59, Nungba gasu chamai 30, khatdi Tamenglong block gasu chamai 79 douwe chiujiu dinne. Sikhai suiye haibo komla competition ga kangam maihai tathon lakh 2 hai dou sune sigasu competition ga kazoumai hinang leng rangkang 20000/- hai pira bowe.

Karingting Lunlung



@@@Hohhh! Alad mazimi chia, kalu gasu nalad nge-nge mane chiubi mah! Soira nang maruireng majonne chia.

###Hummm! loi makhaye heh, agu supporter dungdi goal khailan mah simah namun tanrai tulo!

Chamai khatgu ringting haise pagu machunbo maningniu macha bowe.

Editorial

Chakhuang changee wan manah wangsubo kum, tuhoi ra ariak naamai sanglam kalungmai chakilam/kaluang lam changee ra chamai kengjiu zonwang suju bam mide. Aliu Liangmai kakengra lungsabo jengniu aliu maligu gari/vehicle habo jengniu pessanger gu gari tu depend thiuju bambowe. Tuhoi Imphal tu Tamei kakga tadbambo pessanger gu gari tu phuisai palung lam chamai kengma, palenlam chamai kenglo chiujuu tadbamme. Tadmibo nidkak gadi bus rihlam toubo gasu electric niu matinjuu chamai shaihiu khaibo siye. Siniu suisai bus haidi chakhuang-changee maara nia ngut nia pad chiusai wira ye mathiu leng maning khaijuu.

Mathen Cham



World Cup final hai wangkinbo zengtung 18th nai wanchak 8:30 pm ga Argentina nai France hai Lusail Stadium, Qatar ga mathenkiu sune. Haigasou soniu Golden Boot douralo chiubo phui sune, tuhoi katangbo Lionel Messi nai Kylian Mbappe niu goal 5/5 chanjiu kengchangbo thiujuu thaikumgu world cup leng thiujuu bambowe. France maina Olivier Giroud nai Argentina Julian Alvarez di goal 4/4 chanjiu panaitu hajiu bambo we. Tadmibo world cup 1954 kum Hungarian maipiu Sandor niu goal 11 chanjiu haisiniu world cup khatga mai khangkhatniu goal chan makeng thubo record thiujuu bambowe.

Chalad N-buong

Thangal = Nkenmai
 Angamis = N-genmai
 Semas = Majamai
 Muslims = Tunakimai
 Hindus = Khoumai/Charamai

GOVERNMENT OF MANIPUR
 OFFICE OF THE ELECTORAL REGISTRATION OFFICER : SDO
 52-TAMEI (ST) ASSEMBLY CONSTITUENCY
 TAMENGLONG DISTRICT

NOTICE

Tamei, the 13th Dec. 2022

NO. 5/ERO (52) ELEC/SSR-2023: Notice is hereby given to all the electors of 52-tamei (ST) Assembly Constituency that the time and place of hearing for Claims/Objections and correction of the particulars applied in form 6,7 & 8 prescribed in the Registration of Electors, 1960 in connection with the Special Summary Revision of Electoral Rolls with 01/01/2023, 01/04/2023, 01/07/2023 and 01/10/2023 as the qualifying dates has been fixed as in the schedule given below:

Sl. No	No. & Name of AC	Polling Stations	Date and Time	Place
1	52-Tamei (ST) AC	52/1 to 22, 52/28 to 33, 52/40 to 46, 52/49 to 52	17th December, 2022 11:30 AM to 3:00 PM	Tamei SDO Office
		52/24 to 27, 52/34 to 39, 52/47, 52/48, 52/53 to 93	17th December, 2022 11:30 AM to 3:00 PM	Tousem SDO Office.

Further, all the concerned claimants/objections are requested to appear in person at the hearing as fixed along with acknowledgement receipt and relevant document(s) with such evidence he/she may add in support of his/her claims and objections. If anyone fails to appear at the hearing as scheduled above, no further claims in this regard will be entertained.

Renee Newmai

Electoral Registration Officer/
 SDO Tamei, 52-Tamei (ST) Assembly Constituency.



GOOD NEWS FOR WEDDING PLANNER.

WEDDING GOWN (SET)

Dresses for flower girls and party dress



BRIDESMAID DRESSES

We specializes in all these items, provides decoration item for hiring

At B.S Wedding Gown & wedding Planner
MBC LYDYA Shopping Complex, opp College, Imphal

Pahang ga pikhaibambo phone number ga alam sai paman malabo lihga daolu bui ye

Contact: 9862105037 / 8787799600



Makimai ST demand kambohai... contd. from p.1

rabowe palamra haisi paliu gu mazi bambowe khatdi paliugu community tu kanra leng nge chiujuu dinpad mide. Sikhai suiye, K Robindro hai phuangjiu MLA ruangga Makimai niu ST ga zoura khengbo tu ponjiu bambowe. STDCM gu lamsu centre niu state gu kasuibo piwangsai kasuibo bamboi chiudi tuhoi katang State Government niu kasuibo pikhai makjiu pawan kam kakhitjiu bamme chiujuu dinne.

The Makuilongdi Express tu chalung sajiu kenbammai, thaikum niu sujuu bambo jengniu wa kachang kam lumakge chiudi maakum gen lamsu khit-khitjiu wisura matan bamme. Pawan sai sujiu maniadi aliu liusan mak doulakbo bam jengniu naliugu nkha pageng bamme. Siniu naliu gu takumgu maksai chahiugu thiujuu kasiara nkha khai khera sikhai ye. Haibo No. **9366176046** hai G-Pay no. le sinu haiga pikhai suimai pikhaira kahumjiu khengkhai ye. Thonkiude.